

თსუ ეკონომიკისა და ბიზნესის ფაკულტეტის საბჭოს 2020 წლის 19 ივნისის სხდომის

ოქმი № 6

ივანე ჯავახიშვილის თბილისის სახელმწიფო უნივერსიტეტში 2020 წლის 19 ივნისს შედგა ეკონომიკისა და ბიზნესის ფაკულტეტის საბჭოს დისტანციური სხდომა.

სხდომა გახსნა თსუ ეკონომიკისა და ბიზნესის ფაკულტეტის საბჭოს თავმჯდომარემ, დეკანმა, პროფესორმა გიორგი ლაღანიძემ.

ფაკულტეტის საბჭოს შემადგენლობაშია სულ 39 წევრი

სხდომას ესწრებოდა 31 წევრი

კვორუმი შედგა, სხდომა გახსნილად გამოცხადდა.

დღის წესრიგი

1. თსუ ეკონომიკისა და ბიზნესის ფაკულტეტის 2019-2020 სასწავლო წლის გაზაფხულის სემესტრის ფინალური გამოცდების ორგანიზებისა და ჩატარების წესის შესახებ

/ეკონომიკისა და ბიზნესის ფაკულტეტის დეკანი, პროფესორი გ. ლაღანიძე/

2. მიმდინარე საკითხები

მოისმინეს: თსუ ეკონომიკისა და ბიზნესის ფაკულტეტის 2019-2020 სასწავლო წლის

გაზაფხულის სემესტრის ფინალური გამოცდების ორგანიზებისა და ჩატარების წესის შესახებ

/ეკონომიკისა და ბიზნესის ფაკულტეტის დეკანი, პროფესორი გ. ლაღანიძე/

პროფესორმა გიორგი ლაღანიძემ საბჭოს დასამტკიცებლად წარუდგინა თსუ ეკონომიკისა და ბიზნესის ფაკულტეტის 2019-2020 სასწავლო წლის გაზაფხულის სემესტრის ფინალური გამოცდების ორგანიზებისა და ჩატარების წესი, დოკუმენტი გასაცნობად წინასწარ დაეგზავნათ საბჭოს წევრებს.

1. დასკვნითი გამოცდა ჩატარდება წინასწარ მომზადებული საგამოცდო განრიგის მიხედვით, რომელსაც დაგეგმავს თსუ საგამოცდო ცენტრი და ფაკულტეტის სასწავლო პროცესის მართვის სამსახური; საგამოცდო განრიგი სტუდენტებს Lms ბაზის ან sms-ის ან e-mail-ის საშუალებით ეცნობებათ გამოცდის დაწყებამდე ერთი კვირით ადრე;
2. სტუდენტს, გამოცდაზე უნდა ჰქონდეს პირადობის დამადასტურებელი დოკუმენტი (პირადობის არქონის შემთხვევაში გამონაკლისის სახით შეიძლება მართვის მოწმობის ან სხვა მაიდენტიფიცირებელი დოკუმენტის წარდგენაც), რათა შესაძლებელი იყოს მისი იდენტიფიცირება;
3. ეკრანზე უნდა ჩანდეს სტუდენტის სახე, სახელი, გვარი; ასევე, მას ჩართული უნდა ჰქონდეს ვიდეოთვალი;
4. კათედრები ფაკულტეტის ადმინისტრაციას წარმოუდგენენ ინფორმაციას დასკვნითი გამოცდის ჩატარების პლატფორმის შესახებ (არაუგვიანეს 2020 წლის 18 ივნისისა);
5. კათედრები დასკვნითი გამოცდის ჩატარებისთვის ირჩევენ შესაბამის პლატფორმას (Lms.tsu.ge ან Zoom ან Moodle ან Meet ან Classroom ან სხვა პროგრამა), ინფორმაციას აცნობენ სტუდენტებს და მათ შესაძლებლობის ფარგლებში უტარებენ ტრენინგებს;
6. გამოცდის დროის მაქსიმალური ხანგრძლივობა განისაზღვრება არაუმეტეს 3 საათი;
7. ყოველ ახალ სემინარულ ჯგუფებს (ან ნაკადს) უნდა შევთავაზოთ წერიტი გამოცდის ახალი ვარიანტი (ბილეთი/ ან ვარიანტი). შესაძლებელია კათედრამ (პედაგოგებთან შეთანხმებით) ინდივიდუალურად გადაწყვიტოს რამდენ ვარიანტს გამოიყენებს ერთჯერადად თითოეულ ნაკადში;
8. გამოცდის მსვლელობის დროს გაკეთდება აუდიო და ვიდეო ჩანაწერი; ჩანაწერი ინახება კათედრაზე (ან აკადემიურ პერსონალთან). დასკვნითი და დამატებითი გამოცდის დამთავრების შემდეგ ჩანაწერები, დეკანის ვიზირებით გადაეცემა ფაკულტეტის სასწავლო პროცესის მართვის სამსახურს შესანახად;
9. თუ სტუდენტს გამოცდის მსვლელობის დროს დაუფიქსირდა ტექნიკური ხარვეზი (დენის, ინტერნეტის გათიშვა), მაშინ იგი ინფორმაციას დაუყოვნებლივ აწვდის პედაგოგს ან ფაკულტეტის ცხელ ხაზს, ხოლო 24 საათის განმავლობაში LMS-ის საშუალებით აგზავნის განცხადებას საგამოცდო ცენტრში ან ფაკულტეტზე;
10. ლექტორის ნებართვის გარეშე სამუშაო ადგილიდან გასვლა (ანუ როდესაც ვიდეოთვალით არ ფიქსირდება სტუდენტი) შესაძლებელია გახდეს სტუდენტის გამოცდიდან მოხსნის საფუძველი;

11. პედაგოგი გამოცდის დაწყებამდე სტუდენტებს აწვდის ინფორმაციას იმის შესახებ, რომ ვისაც არ აქვს დასკვნით გამოცდაზე დასაშვებისთვის აუცილებელი 11 ქულა მათი ნაშრომი არ შეფასდება;
12. ნაშრომების გასწორების ვადა განისაზღვრება თსუ-ში არსებული რეგულაციების შესაბამისად (გამოცდების ჩატარების ინსტრუქცია);
13. შესრულებული ნაშრომი სტუდენტის მიერ ლექტორთან იგზავნება წინასწარ შეთანხმებული ფორმატით;
14. სტუდენტის მიერ მიღებულ შეფასებებს კათედრა აგზავნის ფაკულტეტის სასწავლო პროცესის მართვის სამსახურში, რომელიც თავის მხრივ, შეფასებებს გადასცემს თსუ საგამოცდო ცენტრს ელ.ბაზაში დაფიქსირებისთვის;
15. წერიტი ნაშრომების აპელაცია განხორციელდება თსუ-ში მოქმედი რეგულაციით (გამოცდების ჩატარების ინსტრუქცია);
16. გამოცდების ჩატარების მიმდინარეობას გააკონტროლებს კათედრა, ფაკულტეტის ადმინისტრაცია და მონიტორინგის სამსახური;
17. დამატებით გამოცდაზე სტუდენტის დაშვება განხორციელდება თსუ სასწავლო პროცესის მარეგულირებელი წესის მიხედვით (მუხლი 16);
18. დასკვნითი გამოცდის ჩატარების ტექნიკური ორგანიზაცია:
  - ა. ვარიანტი (ზოგადი წესი) - კათედრამ ან პედაგოგმა გამოცდის ჩატარებისთვის, შეიძლება გამოიყენოს სხვადასხვა პროგრამა, რომელიც წინასწარ შეთანხმებული იქნება საგანმანათლებლო ერთეულთან და სასწავლო ჯგუფებთან. აღნიშნული პროგრამის შესაბამისად საჭიროების შემთხვევაში უნდა შემუშავდეს გამოცდის ჩატარების წესი და აღნიშნულის შესახებ აცნობოს სტუდენტებს და საგანმანათლებლო ერთეულს;
  - ბ. ვარიანტი (zoom) - პედაგოგს საგამოცდო ბილეთი/ან ბილეთები გამოაქვს ეკრანზე და სტუდენტები ინიშნავენ შესაბამის ვარიანტს (5-7 წუთი) და იწყებენ წერას. თუ სტუდენტმა ნაშრომი დაასრულა დანიშნული დროის ამოწურვამდე, მაშინ იგი ამ ინფორმაციას აწვდის პედაგოგს, რომელიც ინიშნავს ნაშრომის დასრულების საათს. გამოცდის დასრულებიდან 5-10 წუთის განმავლობაში სტუდენტი შესრულებულ ნაშრომს აგზავნის პედაგოგის ელ. ფოსტაზე (ნაშრომის მიღება შესაძლებელია ნებისმიერი ფორმით, რასაც სტუდენტი მოახერხებს მის მიერ არსებული ტექნიკური საშუალებებით. შესაძლებელია იყოს როგორც pdf, ასევე ფოტო, სკანირება და სხვა). პედაგოგი ელექტრონულად უდასტურებს სტუდენტს ნაშრომის მიღებას;
  - გ. ვარიანტი (zoom) - ტესტირებული დასკვნითი გამოცდის ჩატარების დროს შედგენილი ვარიანტ(ებ)ი წინასწარ, გამოცდის დაწყებამდე 5 წუთით ადრე იგზავნება სტუდენტებს ელ. ფოსტაზე ან გაუზიაროს zoom-ის საშუალებით. თუ

სტუდენტმა ტესტი დაასრულა დანიშნული დროის ამოწურვამდე, მაშინ იგი ამ ინფორმაციას აწვდის პედაგოგს, რომელიც ინიშნავს ნაშრომის დასრულების დროს. ტესტირებული გამოცდის დასრულებიდან 5 წუთის განმავლობაში სტუდენტი შესრულებულ ნაშრომს აგზავნის პედაგოგის ელ. ფოსტაზე (გადმოგზავნილი შეიძლება იყოს მხოლოდ პასუხები ნებისმიერი ფორმით, რასაც სტუდენტი მოახერხებს მის მიერ არსებული ტექნიკური საშუალებებით. შესაძლებელია იყოს როგორც pdf, ასევე ფოტო, სკანირებული და სხვა). პედაგოგი ელექტრონულად უდასურებს სტუდენტს ნაშრომის მიღებას და ახდენს ვარიანტის იდენტიფიცირებას, რათა სწორად მოახდინოს პასუხების შეფასება.

№№	კათედრა	გამოცდის ჩატარების პლატფორმა	გამოცდის ჩატარების ტიპი	
			ბაკალავრიატში	მაგისტრატურაში
1	ეკონომეტრიკა	Zoom	წერიითი	წერიითი
2	ეკონომიკური და სოციალური სტატისტიკა	Zoom	წერიითი	წერიითი
3	ეკონომიკური პოლიტიკა	Zoom & Moodle	წერიითი	წერიითი
4	თეორიული ეკონომიკა	Zoom & bookwidgets	წერიითი	წერიითი
5	მაკროეკონომიკა	Zoom	წერიითი	წერიითი
6	მიკროეკონომიკა	Zoom; bookwidgets & Exam.net	წერიითი	შერეული (წერიითი და ზეპირი)
7	საერთაშორისო ეკონომიკისა და ეკონომიკური აზრის ისტორია	Zoom	წერიითი	შერეული (წერიითი და ზეპირი)
8	აღრიცხვა, ანალიზი და აუდიტი	Google Forms	წერიითი	წერიითი
9	გლობალურ გარემოში მენეჯმენტი	Zoom	წერიითი	წერიითი
10	ეკონომიკასა და ბიზნესში ინფორმაციული მენეჯმენტი	Zoom; Moodle & Classroom	წერიითი	წერიითი
11	მარკეტინგი	Zoom	წერიითი	წერიითი

12	მენეჯმენტი	Zoom & Moodle	წერიტი	წერიტი
13	საერთაშორისო ბიზნესი	Zoom	წერიტი	წერიტი
14	ფინანსები და საბანკო საქმე	Zoom	წერიტი	წერიტი
15	ტურიზმისა და მასპინძლობის მენეჯმენტი	Zoom	წერიტი	წერიტი
16	ტურიზმის სკოლა	Zoom	წერიტი	წერიტი
17	თავისუფალი კურსები	Zoom	წერიტი	
18	ბიზნესის სამართალი	Google Quiz	წერიტი	
19	ალბათობა	Zoom	წერიტი	
20	მათემატიკა	Zoom	წერიტი	
21	უცხო ენები	Zoom	წერიტი	

აღნიშნულ საკითხთან დაკავშირებით აზრი გამოთქვეს: აკად. ა.სილაგაძემ, პროფესორებმა: გ. ლაღანიძემ ი. ანანიაშვილმა ე. მექვაბიშვილმა.

ასოცირებულმა პროფესორებმა: ე. ლეკაშვილმა, შ. შაბურიშვილმა.

სტუდენტებმა: ე. დაბრუნდაშვილმა, თ. ბერაძემ

გაიმართა კენჭისყრა

კენჭისყრის შედეგები: მომხრე -31

წინააღმდეგე-0

დაადგინეს: დამტკიცდეს თსუ ეკონომიკისა და ბიზნესის ფაკულტეტის 2019-2020 სასწავლო წლის გაზაფხულის სემესტრის ფინალური გამოცდების ორგანიზებისა და ჩატარების წესი წარმოდგენილი სახით.

ეკონომიკის და ბიზნესის ფაკულტეტის დეკანი, პროფესორი გ. ლაღანიძე



მდივანი, ასოცირებული პროფესორი

მ. მაისურაძე